

«Алтын қазына» көркем және сәндік-қолданбалы өнер бойынша балалар шығармашылығының республикалық көрме-байқауын өткізу ережелері

1. Жалпы ережелер

1. «Алтын қазына» көркем және сәндік-қолданбалы өнер бойынша балалар шығармашылығының республикалық көрме-байқауын өткізу ережелері (бұдан әрі – Көрме-байқау) оның мақсатын, міндеттерін, ұйымдастыру форматын және өткізу тәртібін анықтайды.

2. Мақсаты: білім алушылардың көркем, шығармашылық қабілеттерін дамыту, тәрбие беру және тұлғаны әрі қарай үйлесімді дамыту бойынша жүйелі және мақсатты қызмет көрсету, рухани-адамгершілік және мәдени құндылықтарға араластыру.

3. Міндеттері:

1) білім алушыларды көркем өнерге, тарихи мұраға араластыру, оларды белсенді шығармашылық қызметке тарту, әлеуметтендіру;

2) балалар шығармашылығының көркем және қолданбалы-сәндік өнеріне деген қызығушылықтарын дамыту;

3) заманауи сәндік-қолданбалы өнердегі халық дәстүрін сақтау және елдің мәдени-тарихи мұрасын арттыру;

4) балаларды іс-шараларға араластыру арқылы оларды қосымша білім берумен қамтуды кеңейтуге ықпал ету.

4. Көрме-байқау Республикалық қосымша білім беру оқу-әдістемелік орталығы Қазақстан Республикасы Білім және ғылым министрлігінің тапсырмасы бойынша **қашықтық форматта** өткізеді.

5. Көрме-байқауды ұйымдастырушылар Ұйымдастыру комитетінің және әділ қазылар алқасының құрамдарын қалыптастырады, өткізуді тікелей жүзеге асырады, нәтижелерді талдайды және қорытындысын шығарады.

2. Көрме-байқауды өткізу уақыты мен орны

6. Облыстардың, Астана, Алматы және Шымкент қалаларының білім басқармалары басшыларының қолы қойылған байқауға қатысу туралы өтінім, сондай-ақ Көрме-байқаудың жұмыстары altynkz2023@inbox.ru электронды поштасына **2023 жылғы 12 сәуірге** дейін қабылданады.

7. Өтінімге мыналар қоса тіркеледі:

1) Көрме-байқаудың облыстық, қалалық (Астана, Алматы және Шымкент) кезеңдері жеңімпаздарының Республикалық көрме-байқауға қатысуы туралы өтінім;

2) қатысушылардың жеке басын куәландыратын құжаттардың көшірмелері;

3) электрондық нұсқадағы байқау жұмыстары.

8. Көрме-байқаудың қорытындысы, жеңімпаздардың дипломдары, қатысушылардың сертификаттары, жеңімпаздардың жетекшілеріне алғыс хаттар **2023 жылғы 15 мамырда www.ziyatker.org сайтында** орналастырылады.

9. Көрме-байқауға жіберілген жұмыстар қайтарылмайды. Көрме-байқаудың ұйымдастырушылары авторды көрсете отырып, жұмысты бұқаралық ақпарат құралдарында жариялауға құқылы.

3. Көрме-байқау қатысушылары

10. Көрме-байқауға облыстық, Астана, Алматы және Шымкент қалалық кезендердің жеңімпаздары – жалпы орта және қосымша білім беру ұйымдарының білім алушылары қатысады. Қатысушылардың жасы: 11-17 жас аралығындағы білім алушылар.

11. Қатысушылардың жалпы саны – **136** адам. Әр өңірден – **6-7** білім алушыдан, бөлу парағы бойынша.

4. Көрме-байқауды өткізу тәртібі.

12. Балаларды іс-шараларға қатыстыру арқылы көркем, сәндік-қолданбалы шығармашылықты дәріптеу, балаларды қосымша біліммен қамтуды арттыру үшін Көрме-байқау екі кезеңде өткізіледі:

1) бірінші кезең (іріктеу) – өңірлік:

мектепшілік Көрме-байқау;

аудандық (қалалық) Көрме-байқау;

облыстық, қалалық (Астана, Алматы, Шымкент) Көрме-байқау.

2) екінші кезең (қорытынды) – республикалық Көрме-байқау.

13. Көрме-байқаудың бірінші (іріктеу) кезеңін өткізу мерзімі аудандық (қалалық) білім бөлімдері, облыстардың, Астана, Алматы және Шымкент қалаларының білім басқармалары басшыларының бұйрықтарымен анықталады.

14. Көрме-байқау санитарлық-эпидемиологиялық қауіпсіздік нормаларын, дезинфекция, кварцтау, желдету режимін сақтау, адамдардың жаппай жиналуына жол бермеу арқылы немесе қашықтан өткізіледі.

15. Көрме-байқауға авторлық (жеке) туындылардың әр түрлі жанрдағы, техникадағы және материалдағы фотосуреттері қабылданады: әр қатысушыдан 5 жұмыстан қабылданады (бір бала бір номинацияға қатысады):

1) *тоқыма бұйымдарын дайындау: гобелен, кестелеу, бисер, батик, киіз басу, құрақ пластикасы;*

2) *ағашты, сүйекті, теріні көркемдеп өңдеу: көлемді және тегіс кесу, ағашқа сәндеп жазу, қайың қабығынан жасалған бұйымдар, инкрустация (сүйек, металл, ағаш);*

3) *металды көркемдеп өңдеу: зергерлік бұйымдар, шағын формалардың мүсіні, бедер салу, соғу;*

4) *ағаштан, тастан, саздан (қыш саз), сабан, тоқымадан шағын формадағы мүсіндерді жасау;*

5) *ұлттық ою-өрнегі бар халықтық киімдерінің үлгісін жасау;*

6) *қағаздан бұйымдар жасау: оригами, аппликация, квиллинг, папье-маше;*

7) *ұлттық нақыштағы интерьердің ерекше дизайн-жобасы: үйлер, бөлмелер, саяжайлар, ландшафт және т. б.*

Барлық номинациялар бойынша жұмыстар түпнұсқаны сканерлеу немесе фотоға түсіру жолымен немесе компьютерлік графикалық редактордың көмегімен орындалған электрондық көшірмелер (графикалық файлдар) түрінде қабылданады.

Файл параметрлері: jpg немесе png форматы. Қосымша материал ретінде жұмыс жасау процесін көрсететін фотосуреттер ұсынылады. Міндетті түрде: жұмыстың аталуы, орындау техникасы, қажет болған жағдайда – мазмұнын түсіндіру.

16. Бағалау өлшемдері:

жұмыстың Көрме-байқау номинациясына сәйкестігі;

ұлттық дәстүрлерді сақтау және қолдану;

жұмыстың орындалу сапасы және көркемдік деңгейі;
ерекшелігі;

бұйымның стильдік, көркемдік және образдың шешімінің тұтастығы;
фотоның сапасы және анықтығы.

17 Жұмыстардың ілеспе заттаңбасы (этикеткасы) болуы тиіс: жұмыстың аталуы, автордың тегі, аты, жасы, орындау техникасы, білім беру ұйымының аталуы. Ілеспе заттаңбасының анық фотосын қоса тіркеу қажет.

5. Көрме-байқаудың қорытындысын шығару және жеңімпаздарды марапаттау

18. Кәсіби қазылар алқасы Көрме-байқау жұмыстарын 10 балдық жүйе бойынша байқаудың бағалау өлшемдеріне сәйкес бағалайды. Қазылар алқасының шешімі түпкілікті және хаттамамен ресімделеді.

19. Көрме-байқаудың қорытындысы бойынша қазылар алқасының мүшелері жеңімпаздарды анықтайды. Жеңімпаздар I, II, III дәрежедегі дипломдар және сыйлықтармен, ал жеңімпаздардың жетекшілері алғыс хаттармен марапатталады. Барлық қатысушыларға Көрме-байқауға қатысқаны туралы сертификаттар беріледі.

Сыйлықтар жеңімпаздарға өтінімде көрсетілген мекенжай бойынша жеткізу қызметі арқылы табыс етілгені туралы хабарламамен жіберіледі. Сыйлықты алғаны туралы қабылдау-тапсыру актісі сыйлықпен бірге қоса беріледі.

Алушы сыйлықты алғаннан кейін қабылдау-тапсыру актісіне қол қойып, Т.А.Ә. және телефонын көрсетіп, сыйлықты алғаны туралы құжаттың сканерленген нұсқасын немесе фотосын, жеңімпаздың сыйлықпен түскен фотосын altynkz2023@inbox.ru электронды поштасы арқылы кері жібереді.

21. Дипломдар, алғыс хаттар және сертификаттардың электронды нұсқалары www.ziyatker.org сайтында жүктеу мүмкіндігімен орналастырылады.

Анықтама телефоны: 8 (7172) 64-75-93, 87775247730.

Қатысушыларды бөлу парағы

№	Облыстар мен Республикалық маңызы бар қалалар	Қатысушылар саны
1	Абай	7
2	Ақмола	7
3	Ақтөбе	7
4	Алматы	7
5	Атырау	7
6	Шығыс Қазақстан	7
7	Жамбыл	7
8	Жетісу	6
9	Батыс Қазақстан	7
10	Қарағанды	6
11	Қостанай	7
12	Қызылорда	7

13	Манғыстау	7
14	Павлодар	6
15	Солтүстік Қазақстан	6
16	Түркістан	7
17	Ұлытау	7
18	Астана қ.	7
19	Алматы қ.	7
20	Шымкент қ.	7
		136

Ережеге қосымша

«Алтын қазына» көркем және сәндік-қолданбалы өнер бойынша балалар шығармашылығының республикалық көрме-байқауына қатысуға өтінім

Жұмыстың атауы	Қатысушының Т. А. Ә.	Туған күні	Тұрғылықты мекен-жайы, электрондық пошта, телефон	Білім беру ұйымы, сынып	Басшының байланыс телефоны, электрондық поштасы
Тоқыма бұйымдарын дайындау: гобелен, кестелеу, батик, киіз басу, құрақ пластикасы					
Ағашты, сүйекті, теріні көркемдеп өңдеу: көлемді және тегіс кесу, ағашқа сәндеп жазу, қайың қабығынан жасалған бұйымдар, инкрустация (сүйек, металл, ағаш)					
Металды көркем өңдеу: зергерлік бұйымдар, шағын формалардың мүсіні, бедер салу, соғу; ағаштан, тастан, саздан (қыш саз), сабан, тоқымадан шағын формада мүсіндер жасау					
Ағаштан, тастан, саздан (қыш, саз), сабан, тоқымадан шағын формадағы мүсіндерді жасау					
Ұлттық ою-өрнегі бар халықтық киімдерінің үлгісін жасау					
Қағаздан бұйымдар жасау: оригами, аппликация, квиллинг, папье-маше					
Ұлттық нақыштағы интерьердің ерекше дизайн-жобасы: үйлер, бөлмелер, саяжайлар, ландшафт және т. б.					